

## Universitätsbibliothek Paderborn

**Novum Gratiæ Prodigium: Sive Vita Venerabilis Matris,  
Sororis Joannæ à Jesu Maria Monialis Præcipui D. Claræ  
Coenobii In Bvrgos**

**Ameyugo, Francisco de  
Coloniæ Agrippinæ**

Caput X. Vocatio Sororis Joannæ magnâ contenione disceptatur,  
quæriturque an Carmelitarum Discalceatarum, an vero Clarissarum Ordo  
illi sit eligendus. Seraphicus S.P. Franciscus litem illam dirimit.

**urn:nbn:de:hbz:466:1-37120**

rò Ioannam nostram attinet, post multas consultationes, unanimi tandem consensu decretum, ut monasticam vitam deserto mundo præ elegat.

## CAPUT X.

Vocatio Sororis IOANNÆ magnâ contentione discetur, queriturque an Carmelitarum Discalceatarum, an vero Clarissarum Ordo illis sit e-ligendus. Seraphicus S. P.

FRANCISCVS item illam dirimit.

**O**lim tempore Danielis Prophetæ Angeli DEI non fuerunt unius mentis. Agitabatur quæstio an populus Israëlicus è captivitate Babylonica liberari, suasque repetere terras debeat. (*Dan. 10. v. 13.*) Differebant sententiis Angeli, opinabantur quidam è re bonoque populi eius id fore, aliis è contra illud improbantibus. Diffidebant concertabantque opinionibus viginti & uno diebus. Tandem Seraphicus Angelus Michaël in DEI nomine, quæstionem eam dissolvit certamenque diremit. Apprime accommoda est figura hæc eorum, quæ nunc asseremus. Ventilabatur quæstio an nostræ Sorori Ioannæ Carmelitanarum excalceatarum, an vero Clarissarum ordo esset amplectendus. Reverendissimi Patres Discalceati, qui velut Angeli DEI iugiter in conspectu eius assistunt, non erant unius mentis. Puta-

Cælitum etiam quandoq[ue] menses opinione diffident.

bant aliqui convenientius fore, si Soror Ioanna Carmelitana fiat, alii sentiebant contrarium, afferebantque eam ad Ordinem sanctæ Claræ vocatam esse. Ambæ hæ partes multis diebus inter se opinonibus dissidebant. Ad extremum Seraphicus P. D. Franciscus DEI nomine certamen diremit. Priusquam tamen diffinitioriam eius sententiam audiamus, volumus utriusque concertantium partis sententias in medium adducere.

Patres illi, qui Sororem Ioannam ad Discalceatos vocatam censemant, vocationem eius extimâ solum, ut dicimus in cute nudaque superficie contemplabantur, exteriorum etiam exinde vocationem arguebant. Differebant porro Nobilem hanc plantulam cultura suâ adolevisse, quæ si in alium transplantetur Ordinem, statim à consuetu suo quietis loco, soloque frumento emovebitur, atque in terram transferetur. Notum satis perspectumque est, arbores transplantatione infructuosas facile reddi. Nostro, aiebant, in Ordine ancilla Domini dignos pœnitentiae atque virtutum fructus protulit, at verò in altero forte fieri posset, ut non ita fructuosum sit spiritus eius ger-men. Adhæc ut filia quæpiam Ordinem, in quo educata est, deserat aliumque amplectatur, aperta est ingratitudo, quæ non à verò sanctoque, sed potius à malo spiritu provenit, Ob has itaque Patres

Argu-  
men-  
to  
pro lo-  
no in  
Carne-  
tarum  
Ordi-  
nare  
induce-  
da.

tres hi tam erant in suo sensu pertinaces atque immobiles, ut palam Ioannæ denunciarent, etiam atque etiam videat quid agat, neque certam propter incertam vocacionem deserat, temptationique huiusmodi apud se locum indulget. Nec hisce contenti, etiam Cognatos necessarios atque amicos eius alloquebantur enixè orantes, vellet Sorori Ioannæ omni possibili modo persuadere, ne veram certamque ad Carmelitanas exalceatas vocationem deserat. Quibus accedebat incessabilis instantia, earundem Carmelitarum Cœnobii sancti Josephi in Burgos. Piæ istæ Virgines ingenti tenebantur desiderio Ioannam ceu peculiarem DEI amicam suo Ordini sacræque Domui inserendæ, urgebantque ac stimulabant Joannam nostram missitatis partim litterulis, partim aliis hominibus intermunciiis, ad habitum Monasticum apud se induendum.

Verum Patres illi, qui haec tenus ad perfectionem spiritus suè ducas, longis multiplicibusque experimentis & sollicita inquisitione manifesto agnoveré eam ad Ordinem sancti FRANCISCI vocari, atque ita postulabant à Joannæ spirituali sua filia, ut veræ huic vocationi constanter inhæreat eique rem gerat. Præcipius eius rei ze-lator inter hos Patres erat Reverendissimus Pater Petrus à Matre DEI Dux de Medina de las Torres Patruus, Excalceatorum Car-

malitarum Burgensium Prior, ac famulæ Domini Joannæ Consciæ arcanaorum arbiter, vir nobilitate, doctrinâ, sanctitate ac sapientiâ unus è nominatissimis celeberrimisq; sacri huus Ordinis viris. Prudens iste doctrinâque eximus Prælatus, qui animæ suæ lucem ab omni nubilosa affectione puram reddiderat, facile vocationem Joannæ dignoscere poterat. Quare Ancillam Domini sequentibus verbis egregie animavit Nullum est dubium filia, inquit ille, Vocationem ad Ordinem sanctæ Claræ, quæ à primâ infantia constanter in tuo resederat pectore veram germanamque esse. Quod ex DEO est firmum, fixum & constans est, quod vero non à DEO, sed ab humana forsitan inclinatione pervenit, instabile est, facileque à contraria affectione eliditur ac persumit. Adhæc clara satis manifestaque nobis DEUS dat indicia, suā hanc voluntatem tuamq; vocationē esse, quā sat iam perspectā, suauiculis humanis sermunculisque à redi nobis viæ tramite, haudquam in transversum est abeundum. Vocatio ad Carmelitanas sola externa specie, non verò solidâ veritate nititur. Patres illi, qui hanc tuentur partem, ac omnino evincere nituntur, nullam tui spiritus habent notitiam. Nam quid ad rem facit, quod nos te in vitâ spiritis atque virtutum educaverimus, si non Altissimi Spiritus te ad nostrum Ordinem vocet? Quod quantiq; velut juvenes plantulæ

Argumē-  
ta pro  
Ioannæ  
vocatione  
ad Claris-  
sas.

## VITÆ VENERABILIS MATRIS

240

culæ in Sacris Domibus Claustris que educantur, qui tamen ad alium Ordinem vocantur à DEO, in quo florent, frondeant, fructumque ferant? Quæ infidelitas aut ingratitudo esse queat, veram præ falsa vocationem eligere? Relationis lumen ubivis ductor noster sit operet. Magis porro rationi est consentaneum, DEUM sequi potius quam homines. Itaque, Filia mea, ne audias id, quod homines, sed quod Divina tibi vox loquitur, nimurum ut Cœnobium Divæ Clæ præligas.

Hoc rerum statu JOANNÆ nostræ mens hisce diversa sentientium opinionibus, veluti Cymbula medio Oceano pugnantibus ventis agitata impugnataque fuit. Crux, ut appellant, de Tariffa mare navigantium asseveratione, toto pelago omnium Scyllarum atque Charybdum est periculosissima. Nautæ quoque vectores ac socii navales crucem illam plus extimescent, quam alias alibi maris scopulos, cautes Syrtesque. Eâ in ora Oceanus ac mare mediterraneum invicem coèunt ac miscentur, atque in duo brachia divisa, crucem eo pacto efficiunt, dum nimurum ambo se mutuo violento procursu per rumpendo in crucis modum secant. Ingentem hoc pugnam efficit, opugnantque se mutuo duo maria, horrendo undarum sese collidentium fremitu, insanoque surgentium fluctuum furore. Prædictæ

contrariæ opinione, pari fere modo oppugnabant animæ Sotoris nostræ JOANNÆ cymbulam, crucemque in corde illius efficiebant. Pugnabant in ea mutuo humana propensio, & divina vocatio. Naturalis inclinatio cor eius trahebat ad Carmelitanas; at ex adverso vera vocatio ad Clarissas. Nuncium Carmelitissim remittere, erat naturæ contrarium, illis non sociari. Divinæ gratiæ repudium. In hac turbida turbataque concitantium invicem diversorum affectuum Charybdi dum volvitur, tandem visendam se JOANNÆ nostræ præbuit optata stella maris, Divus Pater FRANCISCUS, S. Franci  
cum sancto DOMINICO, & gloriola Virgine CATHARINA Se-  
nensi. "Quamdiu, dicebat san-  
ctus FRANCISCUS, delibera-  
bis, atque inter utrumque flu-  
tuabis? An incognitum tibi, quâ primâ  
ratione ab infantia tua, primoque caute-  
rationis atque intellectus luminis stabile  
exortum mihi pollicita es, fore ut  
Filia mea sis, & qualiter ego Di-  
vina ordinatione, uti verus Pater  
semper tui curam geram? Quid  
ultra moraris? Ita ne tu mihi facta  
promissionis, quidque mihi de-  
beas, es immemor? Nunc ego à  
Christo Domino nostro ablegor  
ad te, scrutare diligenter memorix  
tuæ recessus & vide, an vera sint  
omnia quæ dico. Expendit animo  
suo ancilla D. jam dictum sermonem  
S. FRANCISCI, atque velut  
è gravi somno evigilans respondit:  
"Mi-

„Mi Seraphice Pater, omnia quæ locutus es, recognosco vera esse, quoniam vero in tenera id ætate promisi, putabam non obligari me ad implendam promissionem. Filia mea tu ac tui similes non debent morâ temporis impediri se finere, ab exequenda promissione, ad quam dubio procul semper obligantur. Satis tibi notum est, qualiter Christus D. cum te sibi desponsaret, S. Dominico, S. Catharinae, S. nensi, nec non & mihi te tradiderit. Ego muneri meo uti Pater, Charitate Paternâ satisfeci, jam res in eo est ut & tu obligationi tuae, sicut filiam decet, satisfacias. Hac admonitione Sor. Ioanna sui erroris convicta, culpam agnoscit, ignoscique sibi eam petiit, Sanctique etiam libenter ignorare, & datâ ei benedictione videri desierunt.

Tali modo confirmata Venerabilis Virgo nostra, Cœlestem suū sponsum sequi, atque S. Francisci Ordinē ingredi constituit. Ne verò quidquam non conscio ac dirigente P. suo Spírituali fieret, egit cum prædicto A.R. Patre Petro à Matre Dei, qui etiam hac in re filiæ suæ Joannæ cœope adfuit, ut continuò ad Monasterium S. Francisci Burgi se contulerit, Patremq; Provincialem cù aliis Provinciae Patribus allocutus, omnibus eis nixam gravissimis rationibus filiæ suæ spiritualis vocacionem exposuit. Quod nimis summa devotio atque affectu ab ipsa infantia D. Claræ Cœnobium dilexerit, singularique sit veneratio ne prosecuta. Præterea addens complures quidem suæ Religionis Pá-

tres fuisse conatos Sor. Joannam ad Carmelitanas perducere, eam verò aliud non velle, quam ut S. Francisci filia efficiatur, quoniam humanus iste Seraphinus semper Pater ejus extitit. Postremò adjicit intellectissime Matrem Joannam, quod S. Clarae Moniales nullam ab ea dotem expectant, prout pariter nec Discalceatæ Carmelitanæ petierint, cùm affatim perspectum palamque sit omnibus, Christum D. Joannam tam eximiis ditalis virtutibus, ut ex non immerito divitis opimaque dotis loco sint habenda. Denique postulabat memoratus P. Petrus, velint Rever. Patres efficere ut res hæc, quæ fieri potest occyssimè, ad optatum finem perducatur, ne protelatio ac mora incommodo forsitan alicui sit ac impedimento. PP. Franciscani ubi vident fortunam istam sinè ullo suo labore & cura ultro sibi venire obviam, magnas habuere R.P. Petro egereque gratias, receperuntque se omnia secundum mandatum ordinationémq; ejus perfecturos, postulantes tamen, ut ipse velit bonum istud opus suāmet propriâ mediatione & operâ seu paratius promovere, donec optatum exitum sortiatur. Patri quidé Provinciali Recollectorum, Burgi opus illud non licuit confidere, peregit, illud tamen simul ac Monasterium S. Dominici attigit, uti ex hisce patentibus appareat.

F. Franciscus Andres de la Torre, Patentes  
Lector Jubilatus, S. Officii assessor, litteræ de  
Minister Provincialis ac servus hu-  
sus Provinciae Burgensis, Regularis enda &  
Observantia & Ordinis S. P. N. Clariſſis  
Francisci, Rever. Dominæ Abba- Ioanna.

„tissæ Monasterii S. Claræ in Burgos  
 „salutem ac veram pacem in D.N.  
 „JESU Christo. Virtute hujus Re-  
 „scripti, quod nomine nostro sub-  
 „scriptum, magnóque Officii nostri  
 „sigillo munitum est, concedimus  
 „Rever. Dominæ licentiam, quòd  
 „in Monasterio vestro S. Claræ con-  
 „suetum. Ordinis habitum tanquam  
 „Choralis Soror suscipere valeat Jo-  
 „anna Rodriguez à JESU MARIA,  
 „vidua & Civis Burgensis, & quo-  
 „niam non incognitum est nobis  
 „prædictam Joannam Rodriguez  
 „sufficientibus mediis ad consuetam  
 „dotem, quam alia filiæ afferunt  
 „solvendam: destitutam esse, ve-  
 „stroque Cœnobio grave non fu-  
 „rum bene memoratam Joannam  
 „gratis sustentare. Ea propter vo-  
 „luntatis nostra est, mandamusque  
 „ad Coronam vobis augendam in  
 „virtute Spiritus Sancti ac Sanctæ  
 „Obedientiæ, ut præcedente habi-  
 „tóque assensu Conventualium So-  
 „rorum, prædictam Joannam Reve-  
 „rendissima Domina suscipiat, &  
 „absque, eo quòd aliquam dotem  
 „afferat, aut in sumptus aliquos  
 „quidquam expendat, usitato habi-  
 „tu Ordinis donet. Si tamen spon-  
 „te propriâ dare aliquid aut impen-  
 „dere velit, hoc & nihil amplius  
 „acceptetur. Hortamur quoque in  
 „Christu JESU cunctas Cœnobii  
 „vestri Sorores, velint sc̄epe dictæ  
 „Joannæ consuetam Sororiam ex-  
 „hibere charitatem, in considera-  
 „tione singularis amoris affectus-  
 „que, quem erga Monasterium ve-  
 „strum antehac jugiter gessit & de-  
 „monstravit, ac etiamnum gerit.

„Hæc Sororia in invicem charitas  
 „proculdubio grata acceptaq; DEO  
 „erit. Datum in Monasterio nostro  
 „de Matre DEI & SS. Angelorum,  
 „quod dicitur S. Dominici, in vico  
 „lapideo. 28. Febr. 1626.

F. Franciscus Andres de la Tor-  
 re, Minister Provincial Minorum  
 Hasce patentes jam dictus P. Pro-  
 vincialis Epistolæ inclusit, atque  
 Admodum Rever. P. Petro à Matre  
 DEI Priori Carmelitarum Discal-  
 ceatorum Monasterii in Burgos  
 transmisit. Epistolæ porrò erat te-  
 nor ut sequitur.

Admodum Reverende P. Prior,  
 „Ante omnia excusatio jure mi-  
 „hi deponenda est, quòd Burgo tam  
 „propere excecerim, nec ante Ad-  
 „modum Rever. P. Vr ad disces-  
 „sum benedictione munitus fue-  
 „rim; spero tamen æreditudines  
 „meas tentiisque vires, quæ illo me  
 „honore ac valedictionis consola-  
 „tione privârunt, mihi patrocina-  
 „tur, quandoquidem ordinanti-  
 „bus ita Medicis, actutum aura mi-  
 „hi melior querenda fuit. Benigni-  
 „simo DEO sint æternæ grates,  
 „quod medium istud non malè ver-  
 „terit, quippe qui nunc aliquanto  
 „comodiore utar valetudine. Oro,  
 „sua Adm. Rever. P. Vr velit memo-  
 „ri suo animo filiæque sua Joannæ  
 „orationibus me insertum gerere.  
 „Patentes hasce ante meum ex urbe  
 „discessum minime confeci, quippe  
 „qui hic non longè à Burgo degam,  
 „illic verò res ista longius protelata  
 „fuisset. Nunc verò quia virib⁹ pol-  
 „leo, ne bonum hoc opus diatius dis-  
 „seratur, eas edere, atque A.R. Pti

„Vr

, Vræ transmittere volui, ut is nimirum tanquam Superior, cuncta ad Divinæ voluntatis normâ ordinet atq; dirigat; Qui servet ac custodiat A.R.P. secundum votum meum in omnini prosperitate ac salute corporis ac animi Naxerâ imâ Marty 1626.

Admodum Reverendus Prior Discalceatorum Burgenium acceptis prefatis patentibus, abiit ad sumendum cum Spirituali filia sua Joanna mutuo animi laetitiam, & post perfectas hæc patentes ait: Filia mea, ex hisce omnibus facile cognoscere possumus, quam acceptum Optimo Deo sit propositum nostrum, dum scilicet ad hunc finem corda omnium Divinâ suâ virtute permovet. Agamus Majestati suæ pro isto collato tibi beneficio & favore humillimas gratias, viamusque in bona spe certaque fiducia, quod principium felix, melior fortuna, exitusque vocationis tuæ seq̄i etur. Hisce filia mea, esto Deo commendata, ego nunc abeo, quod restat, dispositurus & confertus. Abiit ergo ad R.P. Matthæum de Montoya ex-Provincialem istius Provinciæ, nunc verò Guardianum P.P. Franciscanorum in Burgos, traditisque eidem patentibus litteris, instanter precatur, ut eas quantocuyus loco suo insinuet. Habet is P. Guardianus sublimem de Joanna opinionem, ingentique tenebatur desiderio, ut ejus propositum ex voto fueret & finiretur. Eo itaque adhuc die adiit Monasterium D. Claræ, curavitque Reverendam Matrem Beaticem de Sandoval Antistitem evocari. Illa verò mox

jussit conventum Capitularem omnium Choralium Monialium Sororumque institui. P. Guardianus brevi proloquo usus, deinceps Provincialis patentes mandatumque perlegit. Iis peractis, universa congregatio concorditer petiit, ut sine dilatatione suffragia ferantur, quapropter statim alba atræque fabæ sunt allatae, & postquam una quælibet Soror Choralis fabam suam injecisset, iis numeratis apparuit Joannam omnium suffragiis lectam. Protinus ergo actus illius & electionis testimoniū est exactum, quod nimur omnes Conventuales summo gaudio & unanimi consensu Ven. Virginem Joannam à JESU MARIA in Choralem Sororē ac Monialem, & quidem absq; ulla dote alisq; sumptib; atq; impendiis fieri solitis elegerint, quinimò quod se obligarint universæ Joannæ de omnibus necessariis ab iœ abunde provisum iri. Lexington istud nuncium, ubi Ancilla D. percepit, in terram postrata, Divinæ Majestati agebat gratias, non multis quidem verbis, sed calentibus plurimisque fluentibus lacrymis.

## CAPUT XI.

D. Archi-Episcopus consultat de vocatione Sororis Joannæ, tandem q; reperit eam verè ad Clarissas vocatā: ultimā m̄ q; ea de re pronuntiat sententiam, nimirum Sor. Joannā à JESU MARIA.

Clarissam fieri debere.

**I**n principio creavit DEUS verbo Cœlum & terram (Gen. 1. v. 26.) Cum autem creare hominem vellet, tres Divinæ personæ prius eâ de re consultarunt, occupabanturque ad hominem in multipli magnâ

Hh 2

que

Ioanna  
omnium  
Sacerdotum  
Virginum  
votis in  
Clarissam  
adlegi-  
tur.